

廣德州志卷十四

營建志 塋墓

塋墓

過墓必式古人禮於死者如此後世則有發邱摸金者矣然而聖賢前詰體魄所藏必為之置守戶禁樵採或表封或遣祭彼富貴烜赫視一聚枯骨何如哉  
桐川墓域舊志所載甚少加意訪求就所見增入使  
墓古者知所瞻仰至於窆斂掩骼義重前經李志附  
見今因之

廣德州志

卷十四

塋墓

唐

尚書劉文靖墓南畿志云唐劉文靖公墓在州北三十里

萬厯志云在唐興寺側今廢案南畿志止載此及茅王三墓

兵部侍郎潘冕墓在州東北四十里東泉寺後

**案**冕以縣吏入京夢張真君助靈禱雨得授本縣令而贈真君為水部員外郎改橫山曰祠山事詳祠山  
事要不言冕終為侍郎然今東泉寺後有墳山立石  
題識現存寺大殿東廊肖真君及冕二像真君在東  
冕在西冠服如唐侍郎之制則必非妄傳也

茅王墓在建平縣東北十里南畿志云廣袤數畝履其上則隱然有聲去墓數里有茅王廟未知何代明一統志云塚中空多蛇人不敢近其茅王廟鄉人亦不知爲何神

夏侯塚在建平縣西十里南畿志云有石如碣深陷土中其巔半露而無款識舊嘗掘視衆莫能舉遂止明一統

志云里俗亦無知其人者案南畿志建平止此二墓

案右二墓不知其年代以由來已古附列於此

宋

廣德州志

卷十四

塋墓

二

處士清容先生查深墓在州東南七十里烏石保

周在建墓道碑記宋處士清容先生姓查氏諱深字道源清容其別號也余自束髮後即耳先生名高風亮節爲宋大儒生徒受其業者不下千數幾幾乎與鹿洞鶯湖相頡頏獨是廣德僻在山間顧安得投跡其地一拜先生之祠耶私淑之誠惟有托諸空願耳歲辛卯量移是邦聞

命之日或有以桐俗易治地樸民淳爲余賀者余曰然有是言也蓋桐之民去先生之世雖已數百年而其流風未泯固宜其若是下車之日即詢諸紳士無不頌先生之德不休余心滋喜方欲一拜先生之祠以慰夙昔之願迨訪其族姓實爲後衰考其里居則曾未有過而問焉者嗚呼噫嘻大賢如先生尚不能綿百世之澤耶此皆守是邦者弗能培植之故余按廣德志城西有清容講堂爲先生授徒處今已不可問惟去城數十里則先生之墓在焉余於是單騎衝寒披荆剪棘履荒邱而躑躅撫孤松而盤桓舉目蒼涼不勝興廢之感然而先生

之德容道範不啻相遇於高山流水間也今既拜其墓  
並植其後裔則僅有存者間得一人爰俾受書於塾以  
奉春秋之祀雖不敢云發潛德之幽光續名人之墜緒  
而數十年欽崇愛慕之私于茲少慰焉祀生查啟能全  
子名貴請勒石以表其墓因敘始末登諸碑板庶幾文  
人學士有所景仰樵夫牧豎知所畏敬云爾康熙歲次  
甲午年孟冬之吉奉政大夫知江南直隸廣  
德州事加一級紀錄一次大梁周在建撰

左司員外郎倪濤墓

據倪氏譜在扎書錄解題曰呂居仁

為誌墓

案濤之父從永嘉徙此倪氏譜乃云蘇州吳興名大茂者徙此濤其元孫其失豈特數典也

侯賢將墓在建平縣東北三十里

案楊志云相傳唐侯君集以開國策勳後因太子之變及與難家人挈棺葬於此迄今呼侯賢將墓然不

廣德州志

卷十四

塋墓

三

可考又云君集死在關中不得建平有墓今考萬歷志不言侯為唐人而縣志有侯巖仕宋為江州團練使有勇畧世稱侯巖將據此則侯賢必侯巖之音訛也因改附宋

吏部尚書沈虛中墓在州南丹井山

奉議大夫潘敬墓萬歷志在建平縣南七里楊志塔塘冲

宋高宗御翰卒贈奉議大夫潘敬所葬

大提點吳應龍墓楊志在建平縣南二十里吳村山案端

明殿學士錢于定誌墓云淳祐五年十二月在原通鄉

之原

〔案〕楊志云宋諭葬考墓銘並無其事萬厯志亦無是說不知楊何據也

修武郎王機墓〔萬厯志〕在建平縣南五里〔楊志〕鎮山之麓

宋監騏驎院官修武郎王機所葬吳應龍誌墓

校書郎章汝鈞墓在建平縣東二十里檀園

尙書鄭清之墓〔萬厯志〕在建平縣東北四十里〔楊志〕在獨

山南沿口嶺下相傳南宋鄭清之流寓本邑卒葬於此

墓南燬砌遺迹尙存

廣德州志

卷十四

塋墓

四

〔案〕楊志云鄭清之浙之鄞人理宗朝爲右丞相淳祐

九年爲左丞相十年致仕封齊國公奉朝請越六日

而卒初未嘗至建平而謂其卒葬於此果何據耶或

別有顯官而誤其官未可知也通志直作丞相鄭清

之墓

直閣梅應發墓在州東南五十里上中保

錢王孫墓〔萬厯志〕在建平縣東北三十五里〔楊志〕作三十

里在南店村後相傳宋吳越武肅王孫鉞〔季志〕作端宗

時徙建平卒葬於此

參軍趙時踐墓萬厯志在建平縣南楊志宋末攝縣事參軍趙時踐死難縣南溪中縣卒取屍焚之埋於溪南岸上其妻子僕妾八人同死者亦瘞沙中今踪跡泯沒無從尋識

元

廣陵侯貢士濬墓建平存藁在南鄉交洪山元統三年敕翰林學士歐陽元撰神道碑諭祭山環水秀松柏鬱然至今尚有侯手植之樹

知縣王勉墓在建平縣東七里陳村元本縣知縣王勉所

廣德州志

卷十四

塋墓

五

葬縣申

明

禮部尙書錢用壬墓續萬厯志在青雲樓左知州段猷顯

立石學正李日滋磚砌

康熙魚鱗冊墳地三分長九弓橫八弓積柴拾貳弓四至皆馬

田

周廣業謁錢尙書墓因錄其碑城角荒阡橐筆過依稀碑字費摩挲與朝典禮尊儒術南榜聲名重甲科塋制幾人論石獸採樵無地到霜柯平原蔓草知何限空對西風寄恨多

案碑係萬厯丙申年立中書明禮部侍郎前狀元錢

公考明史用壬官尙書非侍郎會試南榜第一亦非

狀元也當時品官塋制置石羊虎望柱皆有定數萬  
歷志稱此為榛邱則其荒蕪不始於今也

贈懷遠將軍劉成墓通志在州西七里岡南畿志成靈壁

人國初以元帥守長興戰死賜葬於此案明史成爲永

興翼元帥數敗張士誠兵與李伯昇戰死贈懷遠將軍

立廟長興萬歷志云高帝命謝元吉護喪葬此撥民沈

福壽守之子興遼東鎮撫永樂十九年祭祖告贖原山

二十一畝嘉靖五年孫常以山賣西門雲氏塚竟蕪沒

判官鄒守益爲修塋立碑其山東至昭德宮去墓一十  
五步西至雲氏墳山去墓一

廣德州志

卷十四

十八步南至濮鉉田去墓一十五  
步北至昭德宮山去墓三十四步

知縣李良貴墓萬歷志在建平縣東三里楊志洪武初任

本縣李良貴所葬

翰林院修撰王叔英墓南畿志在祠山東麓大學士楊士

奇道經廣德題其墓而祭之萬歷志楊士奇題其墓曰

嗚呼翰林修撰王原采之墓成化十二年知州周瑛修

葺樹碑後知州孫紘置田二畝屋三楹正德七年知州

劉節增置田歲寒食重陽日州率僚屬儒官祭掃嘉靖

五年判官鄒守益修墓道令王府官濮濬翔祭廳三楹

楊志 乾隆五十四年知州胡文銓重葺並有碑記

周瑛墓記去廣德城西五里許王修撰墓在焉修撰故  
台州人姓王氏名叔英字原采素有氣節仕建文朝為  
文字官未幾文皇帝南巡原采募丁壯廣德遂自經死  
自為贊及詩尋有詔治姦黨其二女赴井死其妻繫獄  
不問初原采將死以書抵祠山道士盛希年曰可葬我  
祠山之麓希年卒收葬之蓋原采希年同台州人故托  
以後事正統中少師楊公士奇始為題其墓曰嗚呼翰  
林修撰王原采之墓且為文以祭之原采嘗薦楊公建  
文朝久之事定故及此原采無後墳墓鞠為邱莽所可  
識別者僅有楊公之碑而已瑛初為進士時嘗聞其事  
於鄉縉紳及官廣德以特羊祭於墓繼而訪諸故老得  
其遺事為詳云原采入廣德未幾車駕渡江羣臣出走  
原采募丁壯番上遇兵部尚書齊泰來奔皆潰歸原采  
以齊為二令州人執之既至告以故其夕原采引決原  
采死時年未四十蓋其見義之明殺身之勇處死之不

廣德州志

卷十四

七

亂良由其有所養非若一時忙迫失據計出無聊而自  
經於溝瀆者之可比也因念其行誼之篤且悲其無後  
而為修治其墓并述其事以告後之人或議之曰原采  
建文臣子不為諱而表彰之非罪耶瑛曰不然自古  
忠臣義士皆各為其主耳原采仕建文朝故忠於建文  
若仕于太宗朝其忠于太宗也必矣況兩朝天下皆太  
祖高皇帝所經營之天下兩朝臣子皆太祖高皇帝所  
培養之人物也譬如天地分為四時凡禽獸感時而鳴  
者雖有春夏之異要皆造化中物未可舍此而取彼也  
議者謝曰子言是也麗牲有石其鑱諸鄒守益重修  
墓記君子之學求無愧於心而已矣無愧於心則無害  
於仁故簞食豆羹處之猶富抱關擊柝處之猶貴鼎鑊  
白刃處之猶生而況其他乎彼多行可愧而冒焉以居  
之若臧氏之位為竊原氏之老為賊賊與竊皆蹠之徒  
也如使盜蹠而富貴且壽三尺童子其孰肯願之故曰  
所欲有甚於生所惡有甚於死非獨君子有是心也君  
子能不失其本心而已昔者嘗怪夷齊之事富貴人所  
以也而遜國以逃死人所惡也而諫伐以儆彼獨一人

之心腹腎腸乎而甘於流離困路若得其所大欲者彼  
其心誠有樂乎此也仁者安仁樂之也知者利仁勉之  
也其求無愧於心一也夷齊之心其真知之者鮮矣國朝  
靖難之師靜學先生王叔英以修撰奉命募兵廣德事  
不可支沐浴具衣冠書絕命詞復為贊書於案遂自經  
於元妙觀之銀杏樹其詞從容和平有采薇之遺音焉  
有詔治姦黨其二女赴井死其妻繫獄死人為上其所  
賦詩上曰彼食其祿自盡其心耳乃置不問嗚呼盡心  
之義大矣盡其心以殉君之謂忠盡其心以殉父之謂  
孝盡其心以殉夫之謂貞貞烈之女志士思以為配忠  
義之士明主思以為佐故文皇帝之言曰使練子寧等  
在朕固當用之蓋至是好惡定矣羣臣祇若德意以好  
懿德凡飭籩豆崇墟墓罔有弗虔先生墓在祠山之麓  
東里楊公士奇題其石翠渠周公瑛述其事嗣是置產  
立祠相沿弗懈守益承乏是邦感先生之義迺移元妙  
觀於東郊而建祠於樹下屬之學宮命義民濮濬葺理  
其墓中為碑亭繚以周垣榜之曰懷忠使過者式焉復

廣德州志

卷十四

塋墓

八

為論次先生之心以詔來世繫之以辭曰人受中以生  
孰非正氣嗜慾所伐天機日瘁有能充之塞乎天地課  
其得喪孰愚孰智西山之薇噲彼千駟聖謨洋洋來者  
其志之嘉靖五年歲次丙戌四月既望賜進士及第判  
廣德州事安成東廓山人鄒守益撰及題額同知陳宣  
判官周明德訓導李元莫晦胡伯麟同建潘仲明重  
葺靜學王先生墓祠記謹案建文臣靜學王公叔英天  
台人也弱冠登朝抒布謨猷靖難師起公自白下募壯  
士古鄣圖為建文羽衛逮大司馬齊泰來告以故時已  
孤忠無措迺竟引決北拜者四踊哭者三畢命老子宮  
樹試反覆絕命辭與所為贊其事誠慘而其死誠從容  
也使非羽士盛希年卜窀穸於祠山之麓先生不幾于  
暴骨乎血灑中原風聞流涕少師楊公以推轂故而題  
其墓郡倅東廓公郡守翠渠公亦為增修碑記班班可  
考至刺史中淮公始構堂而奠焉祠曰表忠歲久闕理  
蕪穢不治頃緣長僚二室段侯於甕序橫岡各新合祠  
以祀不惟使神有所依且人有所法余展祭悽惻漸為  
整葺焉因捐俸鳩工哀材諏日庀事工善吏勤不期月



祠宇一新衆命謂當刻銘余惟爲臣死忠爲子死孝先生氣塞天地先生精貫日月翼扶名教培植臣綱非忠而何且安人金死于經爲夫而死非節而何二女死于弱爲父母而死非孝而何節義在一門而風化徹九有損滅在俄頃而聲光迄萬年其關係名教大矣仲明代匱于茲欽嚮之懷粉榆之情惺惺於衷儻於形神所棲恻然不爲軫注甘自下於黃冠者流非夫也既竭蹶竣事因搦管摘辭式歌以祀焉辭曰繫惟先生賦天正氣山斗爲瞻綱常是繫心貞鐵石義塢邱山方軌夷齊以障頽瀾腥風咽血白浪翻空光飄漢雪氣吐長虹骨化形銷名高恨咽見節當年埋忠萬劫祠山之祠芳魂所止不愧不作焜耀青史我來繕葺詎曰偶然聿隆鄉誼尤尙高賢曰惟忠孝百行之門凡厥有位視此刻文萬曆二十六年戊戌菊月穀辰徵仕郎判廣德州事山陰潘仲明撰胡文銓重建修撰王公祠並修墓道記綱常之在天地間所係非小矣夫人之能以綱常重者必其明於君臣之義也而其見義旣明殺身獨勇者雖千百載後猶凜凜有生氣焉前明建文朝靖難師起修

廣德州志

卷十四

塋墓

撰王公募兵廣德聞南京失守沐浴具衣冠爲絕命辭復爲贊書於案遂自經於元妙觀之銀杏樹下道士盛希年收葬之祠山之麓尋以詔治姦黨其妻余氏并二女俱死焉正統中大學士楊士奇題其墓曰嗚呼翰林修撰王原采之墓且爲文以祭之成化中知州周瑛憫其無後修墓立碑爲之述其事嗣是知州孫鏗劉節先後爲置田畝建墳屋歲寒食重陽州率僚屬儒官祭掃嘉靖初州判鄒守益移元妙觀於東郊而建專祠於樹下爲碑以誌之令義民濮濬葺理其墓是修撰王公之舍生取義迄今猶昭然在人耳目間其有慕有祠亦歷有年所矣夫人特患不能達觀於生死之關束身於名教之地耳苟能視死如歸自可立名不朽蓋人雖亡而自有其不亡者存原不因祠宇祭祀以爲重也獨是修撰王公以一儒臣從容殉難妻女俱亡死而無後傷已而三尺孤墳竟聽其鞠爲茂草數椽祠宇又任其毀諸風烟將何以慰忠臣義士於地下乎銓不敏臨牧石封以己酉春三月祭於修撰王公之墓問所爲祠宇已蕩然無存僅有敗址頽垣委諸荒烟蔓草間而已因庀材

鳩工勉期歲事規制悉期堅實以冀妥侑修撰王公之神且爲之清釐添置祭田以綿祀事庶可昭茲來許用繼從前守斯土者之表揚忠義耳落成之日爲之紀其巔末并繫之以詞曰曠目大呼鄉勇畢集丁壯直前不取匿此見公募兵時也軍令森嚴義形于色尙書來奔卽被執此見公進征時也慷慨悲歌從容引決媿美夷齊忠尤烈此見公自經時也嗟乎惟公浩然之氣塞乎天地故節義之名光於日星所持者定而見危授命所存者正而殺身成仁彼其可創建而修葺者特祠廟耳其不可湮沒而勿傳者乃精誠也乾隆歲次己酉夏五月

賜進士出身

授奉政大夫知安徽直隸廣德州事前戶部江南清丈司主事管理飯銀庫總辦軍需局事務加五級紀錄八

次大興胡文銓撰并題額  
明楊樸祭王修撰墓祠山東麓翰林墳烟草離離對夕曛往事何人持定論表忠無石勒遺文夷齊就死今高節王魏倫生孰獎勳我忝守桐來拜禮一卮清醑薦香

廣德州志

卷十四

瑩墓

十

芹 濶陽鉞弔王內翰墓三尺荒邱鎖綠蘿清風千載等夷齊野雲拖雨山前宿林鳥傷春月下啼正氣堂堂天地老丹心耿耿古今稀一回惆悵一增重指顧雲霞落照西 段猷顯王修撰墓蒼松翠柏倚孤岑下馬遙瞻淚不禁一統乾坤真主定半生忠孝史臣心芳魂漫逐黃雲結幽恨還同白日沉一自望之殉晉後祇今千載嗣徽音

國朝周廣業跋胡郡守重建明王修撰祠碑江行經羅刹我懷黃侍中憑舷弔以詩靈瀾生悲風綏安王修撰事與文節同募兵未及集金川烈焰紅聞變遽引決妻女皆效忠却望祠山麓弛擔方忽忽賢牧出碑記詞義偉且雄云是正統間表章來鉅公踵事得州守祠祭禮從隆所嗟墓田荒積久難善終龜趺春草沒鴨脚秋林空振興會有待隼旟臨江東百廢具修舉忠烈尤褒崇翼然見遺址屋宇視昔豐香火計綿遠拓地非一弓麗藻述巔末貞珉新磨礪行者下馬讀盛事傳山農美哉儒術效施設殊恢淇風聲從此樹寧第  
石墨工政成垂不朽彝鼎銘全功

御史胡虞墓在州西南四十里墓東保箬塢冲

建昌知府孫日升墓在建平縣

萬厯志作孫長史墓

訓導謝士貞墓楊志在建平縣永樂間任本縣學

山西巡撫諡莊介姜洪墓在州西南七十里前冲鋪

**案**萬厯志載中丞墓地頗佳族駟給伊孫買去葬逼

中丞墓前二丈中丞有甥戈某具詞州守何公以其

既賣且葬置勿理李得陽曰案會典中丞之墓前後

左右各方十步是謂禁地私買與賣並不可公見典

遂與改正據此則是墓為諭葬可知而舊志反不之

廣德州志

卷十四

塋墓

十一

載何也

副使呂盛墓李志在建平縣北四十里大栗園

**案**萬厯志載建平墓自茅王夏侯至呂副使其十四

所皆不書名今據李志補之

寧陽縣丞濮陽瑾墓在州南五十里黃柏鋪

戶部員外郎王世祿墓在州西五十里誓節渡保

贈戶部尚書李得陽墓在州東三十里九里岡萬厯間諭

葬先是鄭宜人葬此吳興朱長春誌墓李得陽有詩云

定知死後還同穴却恨生前不再逢

碑現存

贈兵部尙書夏良心墓在州東二里星橋保下馬橋甯謙  
慈雲閣訪衲雲上人詩歸去城頭日欲斜修巢語燕立  
晴沙臥麟高塚今如是誰識當年司馬家自註路經外  
曾祖夏司馬公墓卽其舊居也良心季弟蘭溪主簿良  
器墓在州北二十五里後岡保結義山泰和郭子章表  
墓碑存

大理寺丞李徵儀墓在州北五十里二十一都通志史可  
法誌墓存文

廣西布政司參議宣城沈寵墓在建平縣周公冲其配崔

廣德州志

卷十四

塋墓

十三

孺人先葬此王畿爲志墓

見龍谿集

隱士甯時墓在束翠山甯謙有詩

見藝文

判官劉曰吉墓在福山麓與王修撰祠相近曰吉宛平人

康熙二十四年來判州後卒於官妻程孺人亦卒二十

九年知州毛渾合葬之有碑

祀田六畝四分在東門外泥渚頭祠山道士收租爲

清明祭費者  
民司其事

八角墳李志在建平縣南二十五里夏司馬所葬一在縣

西南三十里處士王建極所葬

案夏司馬無考故與履壇俱列於明末

教諭鄧京埋履處在建平縣西南二十里京去後所遺履  
義士何應孝捐貲二十兩購牟姓山一號瘞之附葬其  
配黃孺人壇周八尺山廣八畝實三畝六分名曰履壇  
後訓導滕文昭合家病故雍正十二年俱葬之壇前見  
縣志案此條舊附厲壇後今移此  
娘子墓萬厯志在州東二十里中山靖王妃墓案在今蘭塘保有斷石柱二埋土中俗呼小娘墳

案桐川樂府據漢史謂當稱廣德王之妃不當稱中山靖王因云中山靖王景帝胄廣德彝王中山後白

廣德州志

卷十四

塋墓

十三

景及成百餘年焉得有妃葬桐川此是鴻嘉以後分  
封事妃死應系彝王字其說似也但彝王所封實爲  
今之黟縣此地不得有墓況娘子之名起自六朝北齊書裴讓之嘲祖珽曰一妻耳順尙稱娘子唐宮中  
號楊貴妃曰娘子體儀如后是也漢時王妃初無此  
稱今姑仍舊志書之不知則闕如也

雙玉墓萬厯志在州北七十里通志烈女趙氏墓明嘉靖  
間趙氏女許字步漑未嫁漑客死女聞自經死遂合葬  
焉知州朱麟題其墓曰雙玉

冥寧謚樂府勿謂我生未諧  
勿謂我身未奉衾  
同戚死也同休  
夫病而死女縊而亡  
異棺同穴  
將翱將翔  
連理之樹  
應生墓門比翼之鳥  
應伴貞魂  
太守曰  
否事有定評  
念彼決烈  
豈兒女情  
名可維風節  
可勵俗  
大書特書  
表曰雙玉

烈婦塚在州北二十里萬厯志楊邯舖北旁有一橋李志

云名小娘橋

冥寧謚樂府楊邯之水匪劍匪戟  
我行賴之以禦暴客  
楊邯之水亦清亦碧  
我行赴之鑿茲肝膈  
有力可要有險可厄  
不謂烈腸自此巾幗  
流

義婦塚楊志在建平縣東三都張公廟側案此即溧陽丐

婦也事詳列女

廣德州志

卷十四

塋墓

志

附

義塚在州治東門內本舊倉基不知何時改為義塚康熙

四十九年修築圍墻乾隆五十年拓地併增砌墻垣有

碑

東義塚萬厯志在州治東五里地名星橋岡計廣二十畝

知州辛禮置凡貧民死無所歸者葬此嘉靖六年判官

鄒守益勸監生夏森立碑豎坊今廢但存其山

案李志刪去知

州以李志乾隆二年方榮吉捐山十六畝三分

坐落東鄉陳草

塘離城十五里

新東義塚在大東鄉星橋保俞村北畔計廣六畝六分餘

乾隆五十七年知州胡文銓捐俸買民人李世安之山

置有碑自南路丈至北塘計五十六弓自東夏山界丈至西夏山界計二十八弓半積一千五百九十

六弓計山六畝六分五厘

西義塚萬歷志在州治西五里地名侯家圩計廣一畝知

州辛禮置李志乾隆二年生員濮陽允昇捐山四畝坐落

祠山廟西道士吳勝先捐山四畝坐落祠山廟方榮吉

離治三里捐山四十畝坐落西郊官塘

新西義塚在西城外扎寨圩計廣四畝三分餘乾隆五十

廣德州志

卷十四

塋墓

七

七年知州胡文銓捐俸買民人沈順弟之山置有碑自東

吳山界丈至西路計二十七弓自南塢宕丈至北包田計三十九弓積一千零五十三弓計山四畝三分八厘

七毫五絲

南義塚在州南門外一在山川壇左約計山一畝零上有澄清

碑亭一在馮下保葛家冲約計山八分與陶姓山毗連

新南義塚在州南城外田家冲保計山地一畝四分五釐

八毫乾隆三十六年知州恒豫捐置有碑東至大路西至溝南至李

田北至王田

北義塚李志乾隆二年步士進捐山二畝治北五甯天章

捐山五畝

坐落甯村保  
離治五十里

鄒守益瘞枯骨文予初莅任謁山川壇於城之南見枯骨暴露為犬豕所噬念爾等皆吾赤子初無罪惡特以貧困無歸遂至於此惻然痛心有淚盈睫卽歸謀諸同官咸加哀憫議以厲壇之隅收藏爾骨爾等其安宅土勿為疫厲以病吾民

縣義塚楊志

在建平縣南五里許土名柞冲山三十畝用

價十兩稅存原賣主王繼祖戶每年以本山松木充之永為例又一在縣前郎溪渡南岸一在縣北二里

縣新義塚楊志

在建平縣南鎮山之下萬曆二十六年知

縣朱之楫捐俸十兩買居民王士章山地十畝另建於

廣德州志

卷十四

塋墓

六

此季志長百弓闊三十弓共計三千弓四圍以埂為界